

Ôs Geveul ...



Theo & Marij

Ein Roëëzbed veur dich

Koeplet:

Waere we wakker op unne morg
Dae ôs de vreejheid bringk
As in ôs oère op unne morg
De nachtigaal wir zingk
Blief in gedachte; op einen avoend
Dao ware weej beejien
Nao deze morg op unne'n avoend
Dan wuuërt 't wir zeker zoë' fijn

Refrein:

Ein roëëzbed det bleujt allein veur dich
Zoë' wónderlik gegreujd allein veur dich
Det leg ik in dien hert wie ein konzert
En wie ein dekbed euver alle smert
Ein roëëzbed det leet op diene waeg
De raegendróppels zien wie weggevaeg
En lande weej op vluugels wie setiën
Dan zal det beej ôs roëëzpaedje zien

Koeplet:

Huurse dae wekker op unne morg
Dae ôs 't laeve bringk
Likse te soeze op unne morg
Dae in dien auge blink
Zoel ik gaer zegge oët wille legge
Met zeute hertepien
Zoel ik vandaag nog lever dan morg
Vanaovend beej dich wille zien

Tekst: Hannelore Winter
Muziek: Robert-Frank Jacob

Zoëëlang 't maönke straolt

Koeplet:

Ik hoof dich neet oët te legge
En hoof dich auk neet te zegge
Des dich ederen daag in mien gedachte bis
Det ôs vrindschap gans oprech is
Det mien leefde auk gans ech is
En degeen wao ik van hald des dich det bis

Koeplet:

Ik heb dich wat meij genaome
Jao, 'n prachtig buuske bloome
Umde's dich 't allerleefste maedje bis
Umde't ôs vrindschap gans oprech is,
En mien leefde auk gans ech is
En degeen wao ik van hald des dich det bis

Refrein:

Zoëëlang 't maönke straolt
Zoëëlang 't zunke maar blief schiene
Zoëëlang d'r sterre zien
Jao zoëëlang hald ik ech van dich
As straks de raegenbaog
Weer zien kleure luuët verschiene
Leefste ik zeg 't dich
Jao zoëëlang hald ik ech van dich

Koeplet:

Jao weej kinne ôs al jaore
Daorum is 't te verklaore
Det weej veur elkaar gen echte vraemde zien
Maar wie bloome die schoeën bleuje
Blief ôs vrindschap alsmar greuje
Ik dink det weej veur elkaar gebaore zien

Koeplet:

As weej straks ens alder waere
Jao dan kin 't mich gebeure
Det ik zónder dich jao überhaupt neet kin
Want wie bloome die schoeën bleuje
Blief ôs vrindschap alsmar greuje
Ik dink det weej veur elkaar gebaore zien

Tekst / Muziek: Guus Smeets

TWIEË MINSE WIE WEEJ

Refrein:

Twieë minse wie weej
Met zoeëvuël winsse wie't geej
Halde door diek en dun de joeks in iëre
Gaon zich lekker ammusere
Heej met ôg
Want minse wie weej
Blieve nog hiël efkes heej
Daorum hōf met ôs 't glaas
Jao, nog eine kiër
En maak met ôs plezeer.

Koeplet:

Um lekker 'ns op stap te gaon
Same aan d'n tap te staon
Jao, det is zoeë schoeën
'n Pilske heej 'n praotje dao
'n Hertig hepke veur en nao
Jao, det luuët zich doon
De zórrig effe aan de kant
Spring ens effe oet d'n band
Jao, det is zoeë schoeën
Det ik det heej belaeve maag
Met ôg d'r beej op dezen daag
Nae, det vergaete weej noeëts

Tössestök:

Huur dae muziek
Dae klink zoeë sjiek
Jao, zoëget is gewoeën uniek
Weej zegge dit
Det geej 't wet
't Is heej geweldig kóm zing met ôs met

Tekst: Ben Erkens
Muziek: Gert Grabowski-Grabo
Engelbert Simons

DICH, ALLEIN MAAR DICH

Koeplet:

Dit is 't moment, 't allersjoenste moment
Want nôw verklaor ich aan dich
Was dôw beteikens vur mich
D'n tiëd sjteit efkes sjtil
Nôw ich dich zégke wil
Wat tösse ôs besjteit
Besjteit wiés in iëwigheid

Refrein:

Dich, allein maar dich
Bös in mien druime gebaore
En waarheid gewaore vur mich
Dich, allein maar dich
Asse êns wis wat 't is
Nag allein maar te druime van dich
Dich, allein maar dich
Kiëk ich nao dich, den veul ich was dôw
Zaes zonger waörd taeg mich
Dich, allein maar dich
Dôw gans allein wets
Weej huüre beejein, dôw en ich

Koeplet:

Idd'ren daag opniëj
Zing ich nôw dees melodie
't Veult as of ich dén plök
Van 't allergrôtste gelök
Den dink ich: dit is net

Mien hert en ich in duet
Zoë zing ich dit refrain
Vur dich, jao vur dich allein

Slot:

Weej huure vur altiëd beejein, dôw en ich

Tekst en Muziek:

Piet van Bree / Suzanne van Bree

ZOEË BIS DICH

Koeplet:

Kind, dich bis mien ideaal
En as ik dich zeen
Moeëjste maedje van de zaal
Gaon ik door de kneen
Kiëk ik nao dien knap gezich
Gaef ik dich ein kôs
Kind, ik bin kepot van dich
Gluif mich det maar grôs

Refrein:

Zoë bis dich... en zoë heb ik dich 't leefs
Zoë bis dich... en dich zags des dich zoë
bleefs
Zoë bis dich... jao, ik hald mien auge op dich
gerich
Zoë bis dich... leeve schat, ik hald van dich

Koeplet:

In det wit kleid bis dich schoeën
Maar auk in ein zwart
Dich gedruuëgs dich hiël gewoeën
Toch bis dich apart
Alles waat biezónder is
Vind ik in dich truuk
Net ofs dich ein wónder bis
Det nao de linte ruuk.

Tekst: Arnold Wassen

Muziek: Die Katheriner

NIEJ LAEVE

Koeplet:

Is dit nog detzelfde straótje, wao ik gisteraovend euver leep
Is dit nog detzelfde straótje wao ik hiël veurzichtig nao dich reep
Kóm weej kiëke tillevisie want ik veul veur dich vuul sympathie
Ik dach: as 'daen ingel' jao zaet, dan begin ik morgje weer opniej

Refrein:

Ein gans ander laeve
Jao det gings dich mich gaeve... na,na,na,na,na,na
Waat is gewaes, det bin ik vergaete en telt neet mier
Ein gans ander laeve
Jao det gings dich mich gaeve...na,na,na,na,na,na
Ik bin gelökkig en det is d'n twicëde kiër

Ein niej laeve det begint vandaag
Al klinkt det ein bietje aufgezaag

Alles is weer straolend moeëj, jao moeëjer as 't vruuger waas

Koeplet:

Nôw heb ik op ens gevonde, wao ik toch waal lang nao heb gezôch
Ik bin in de zeev'nde hemel, en dae hóng al jaore in de lôch
't Is vuul te lang geleeye, det ik zoë met eemus heb gepraot
Ik dôrf grös te zegge: dank zij dich bin ik de riekste van de straot

Tekst: Arnold Wassen

Muziek: Jack White

AS IK IN DIEN AUGÉ KIÈK

Refrein:

As ik in dien auge kièk
Veul ik mich zoë rièk
En bin ik zoë gelökkig
Altied as dich beej mich bis
Veul ik des ze van mich hels
As ik in dien auge kièk
Veul ik mich zoë rièk
En bin ik zoë gelökkig
Altied as dich beej mich bis
Veul ik des ze van mich hels

Koeplet:

Ik hald van dich, ik gaef um dich
Ik laot dich neet mier gaon
Jao daag en nach dink ik allein aan dich
Dich bis mien stök, mien groeët gelök

Dao kin ik niks aan doon
Leeve schat ik hald van dich

Koeplet:

'k Bin gek op dich, verleeft op dich
Mien hert geit sneller slaon
Jao daag en nach druim ik allein van dich
Ik heb gelök, bin van mien stök
Dao kin ik niks aan doon
Leeve schat dich bis van mich

Tekst / Muziek: Guus Smeets

B AOVE STEIT EIN STER

Koeplet:

Baove dao steit ein ster
T winkelt ein kleine ster
Haet zich ein plaatske oetgezôch
Net wie ein wónder in de lôch
Of det heimwee haet nao emus ónder ôg

Refrein:

Efkes druime de reis nao de leefde begòs
Efkes druime ein ster veel nao ónder veur ós
Die veel van daobaove oèt 't grauw
Zoeë tösse 't kaoreblomeblauw
Zoeë tösse de waelde van ein klaproeës in de zón
Ein buske vergaetmichneet det zag
Ik weit nog ein hert det op dich wach
Det wink dich al toe dao op zien klein balkón

Koeplet:

Baove 't liek zoeë vaer
Fónkelt ôg eige ster
Die kan verstaon wao't geej aan dink
As geej met ein knipuijske wink
Jao wae wet wuurt ôg daen eine wins geschink

Tekst: Hannelore Winter

Muziek: Jan Bax

R HODOS

Koeplet:

Ik heb gedruimp van Rhodos
En van 't Griekse strand.
Dao looge weej twieë same
Lekker in 't werme zand
Ik heb gedruimp van Rhodos
En van dae Griekse sfeer
En dach toen beej mich zelf
Ik môt en zal dao haer

Refrein:

En nôw zien weej dao aangeland
In Rhodos op 't Griekse strand
En gluijf maar waat ik ôg verklaor
Soms waere druime, auk waor
Jao gluijf maar waat ik ôg verklaor
In Rhodos waere druime waor

Koeplet:

Ik heb gedruimp van Rhodos
En van dae Griekse wien.
En det weej same wandelde
Dao in de maoneschien
Ik heb gedruimp van Rhodos
En van dae Griekse sfeer
En dach toen beej mich zelf
Ik môt en zal dao haer

Tössestök:

En as d'n daag is gedaon
Verlangk de nach nao de maon
Want as de zón dan verzink
En de bouzouki wir klink
Wuuërt van souflakie geschrans
En de sirtaki gedans
Beej Griekse zang, oore lang

Koeplet:

Ik bin nôw weg van Rhodos
't Geit mich wie zoë döök
Aan alles kump 'n einde
En det is nèt mien gelök
Ik bin nôw weg van Rhodos
Mien hertje duit get pien
Maar auk kump 't geveul
Wir lekker thoes te zien

Refrein:

En nôw zien weej wir aan geland
Heej in ôs prachtig Limburgs land
En gluif maar waat ik ôg verklaor
Heej waere druime ...auk waor
Jao gluif maar waat ik ôg verklaor
In Limburg waere ...druime waor

Tekst: Sef Laugs

Muziek: H. Kreissl-Würth / J. Kreissl

IN AL DIE JAORE

Refrein:

In al die jaore det weej twieë same zien
Jao heel ik altiëd vuul van dich
En al die jaore det ik gelökkig bin
Die dank ik gans allein aan dich

Koeplet:

Ik bin neet miër de allerjôngste
Al zou ik 't gaer zelf wille
Abraham dae steit nôw veur de deur
Al bis dich neet de allerknopste
'k Zou dich toch noeëts wille ruile
Dich guuëfs de jaore van mien laeve kleur

Koeplet:

Laeftiëd wilt toch gaar niks zegge
As ze 't met mekaar kins vinde
Met z'n twieë hebbe weej 't zoë fijn
Moch ik oeëts de honderd haole
Zal ik altiëd blieve dinke
Aan ôs leefde altiëd puur en rein

Tekst / Muziek: Guus Smeets

BEIJ ÔS IN LIMBURG

Koeplet:

Limburg met zien aaj gebroeke
Riestevlaaj en hermenie
Zjwartbroëd, beer en lekker huidvleis
Idder dörp ein sjötterie
Fiëste zal 't altiëd gaeve
Zónger fiëste geit 't neet
Plekske van 't gôjje laeve
Wie't geej heej toch alle zee

Refrein:

Leedjes fién van toën, dialek zoë sjoën
Klinke heej beej ôs in Limburg
De fanfaar en zang, optochte zoë langk
Huure beej ôs eige Limburg
Idder dörp of sjtad, fiëste zien d'r zat
Vastelaovend, vogelsjeete
Wae heej woënt dae wêt, wao um det in zit
Heej velt hiël get te geneete

Koeplet:

Lendje tösse Bels en Duitsland
In 't midde ligk de Maas
Huur ich dao de klokke luuj
Druum ich wie 't vruuger waas
Holle waeg en wuivend kaore
Houte bank en broënd kefeej
Gruëts det ich heej bön gebaore
't Leefste bön ich altiëd heej

Tekst / Muziek: Phil Schaeken

VERGAELDE FOTO

Koeplet:

Eine nachtigaal, dae zeute klank
En beej d'n berkenbaum
Die gommele bank
Ein döbbel hert, gekerf in holt
Ôs kalverleefde waas
Ôs brökske gold

Refrein:

Det zaet die klein vergaelde foto
Die kan vertelle wie verleeft ik waas
Wie eine vlinder met ein traon
Die raoze wolleke zien vergaon
Maar op die klein vergaelde foto
Dao waas ôs waereld nog neet scheif gebouwd
Det sprookje met daen breie lach
Is op die foto vasgelag

Koeplet:

Ôs eige plek, in ôzzen haof
Dao beej daen berkenbaum
Ôs trouw belaoef
Weej hand in hand, ein muulke
smeis
En éine zomer langk
Ôs fijnste reis

Tekst: Hannelore Winter
Muziek: Jan Derijk

'T GELÖK

Koeplet:

Vandaag heb ich gelök
Dôw haes 't beej gelag
Ich bön diek tevreej
Met was ze haes gezag
Ich ken wir zinge, lach van plezeer
Ich waas zoë allein, wao waas dôw toch haer

Koeplet:

Ich koup 'n buske bloome
Haol dich vanaovend op
Den gaon weej twië danse
En haaje neet mier op
'n Rundje dreije op sjoëne meziek
Och mien hertje wat veul ich mich rièk

Refrein:

Jao de zôn sjient de lôch is blauw
't Gelök kôm ich mich haole
Ich wil wir ens sjtraole
Kôm laot mich 't nôw haole
Jao de zôn sjient de lôch is blauw
't Gelök kôm ich mich haole
Ich wil wir ens sjtraole
De waereld is hemelsblauw

Koeplet:

D'n daag ken neet kepot
Ich heb lekker sjpass

As ich dich kôm haole
Gaon we nao 't terras
Daonao same danse
Tango, salsa, sjieke sjuuver,
Unne cha cha cha cha

Koeplet:

Wao se geis of sjeis
De kriëgs mich neet weg
Ich wil beej dich bleive
Nôw mein ich 't ech
Ich zal dich verwenne
De gansen daag, fluuster waördjes
Hiel leef en hiel zag

Tekst: Koos Sniijders

Muziek: J. Linster / A. van Goor

AS DÔW 'N SJTERKE WAAS

Koeplet:

Ich loup zoë aaf en toe te fantazeere
Den waan ich mich in hemelse sfeere
En 't leuke is: in fantazie besjteit det allemaol.
Ich veul mich in de wolleke met mien zelf bedôch verhaol
De houf persoëne det zien dôw en ich
Want loester maar nao mich:

Refrein:

As dôw 'n sjterke waas en ich de maon
Wat zolle weej den same sjtraolend aan d'n hemel sjtaon
Den zolle weej, wat neemes ierder deej
In pollonaïse euver wolleke gaon

As dôw 'n sjterke waas en ich de maon
Den waas 't met de rôs dao baove gauw gedaon
Want weej zolle hiel besjilis
Veur det Pieterus 't wis
Idd'ren avend lekker op d'n boemel gaon
En nag veur d'n daag begos
Hadde weej zeker as det kôs in 'n hemels hukske gesjtaon

Koeplet:

Wat mense wat 'n fiës 't waas dao baove
As weej os leefde zolle belaove
Jao sjtel dich veur: 'n trouwpartiej dao baove in de lôch
Ich gluif dao heet nag noëts ens eemes euver naogedôch
De houf persoëne det zien dôw en ich
Want loester maar nao mich:

Tekst & Muziek:
Suzanne van Bree
Piet van Bree

DE LETSTEN DANS

Refrein:

Zeg beej de letsten dans
Effe zutjes adieu
Verdrink in daen augeglans
Van medemke, misjeu
Zeg met ein leef kôsmoel
Det we nôw môtte gaon
Bonsoir mon cheri...daag...en merci
Want 't is wir gedaon

Koeplet:

Gezelligheid die kint haos gennen tied
Maar alles haet ein ind wie zier 't ôs auk spiët
Weej zegge danke met ein leed
En vergaete ôg neet

Koeplet:

Weej hadde lol genôg met ederein
Dit rendezvous met ôg det waas wir euverfijn
En...zeen weej ôs, strakkes neet miër
Wies de volgende kiër

Tekst: Hannelore Winter
Muziek: H.R. Knipp

DRUMS
BAS
GITAAR
TOETSEN
ACCORDEON
TROMPETTEN
TROMBONES
KLARINET
FLUIT-PICCOLO
SAXOFOONS
TENOR-HORN
BARITON
BOUZOUKI
MANDOLINES
VIOOL

KOOR

ARRANGEMENTEN
OPNAMETECHNIEK
MIX
EDIT

FOTO'S
OPMAAK/LAY OUT

PRODUKTIE
PRODUKTIE COÖRDINATIE

RIE DOLS, JOS VAN DE DRIES
ERIC COENEN
MICHAEL HAMANE, RIG KIKKEN
JOEP SERVAIS, CONNY PETERS
ALEON VAN WIJK, JOEP SERVAIS
NICO GERARTS, PASCAL HAVERKATE, MARCEL JUNGEN
JOOP WIJNEN, WIEL DERIX, RICHARD HELLENTHAL
JO KEYDENER, HARRY WASSENBERG
HELEN HENDRIKS
CONNY PETERS
THEI KICKEN
JOOP WIJNEN
RIG KIKKEN
LEONIEK HERMANS
WILFRED SASSEN, GUIDO DIEDEREN, K.A. CHANG

MICHEL NITA, HARRIET WILLEMS

MAHALIA JANSSEN, TRUUS WILLEMS, LUCY L' ESPOIR, MAYA GULIKERS, SASKIA MEERTENS, ELLY NITA, PHIL FERON, KELLY BECKERS, GASTON JACOBS, JO GULIKERS, JOEP SERVAIS, ROBERT LOOZEN, WALTER LOOZEN, ABEL JANSSEN, BERT GARNIER.

CONNY PETERS, MICHEL NITA, JOEP SERVAIS
RIG KIKKEN, MICHEL NITA, CONNY PETERS, JOEP SERVAIS
MICHEL NITA
MARLSTONE REC. BV

HANS VAN DER BEELE FOTOGRAFIE, SEVENUM
WINTER DESIGN, TEGELEN

MICHEL NITA, CONNY PETERS, JOEP SERVAIS
CONNY PETERS

Theo & Marij

Boekingen en info: tel. 077 373 5330

